

anwar ibrahim

Cekal dan Tabah

J. Victor Morais

*Diterjemahkan
oleh*
Abdul Razak bin Haji Abdul Rahman



arenabuku sdn. bhd.

Kuala Lumpur
1984

Edisi Bahasa Malaysia
© arenabuku sdn. bhd. 1983

Diterbitkan oleh
arenabuku sdn. bhd.
49 Jalan Tun Mohd. Fuad Tiga,
Taman Tun Dr. Ismail,
Kuala Lumpur, Malaysia.

ISBN 967-970-006-2 (Kulit Tebal)
ISBN 967-970-005-4 (Kulit Nipis)

Hakcipta terpelihara. Tiada bahagian daripada terbitan ini boleh diterbitkan semula, disimpan untuk pengeluaran, atau ditukarkan ke dalam apa-apa bentuk atau dengan alat apa jua pun, sama ada dengan cara elektronik, mekanik, gambar, rakaman atau sebagainya tanpa kebenaran daripada pemilik Hakcipta terlebih dahulu.

M
122-2595
ANU-M
392778
APB

Ditaiset oleh Huruf Sedia Sdn. Bhd., Kuala Lumpur, Malaysia.
Dicetak oleh Chee Leong Press Sdn. Bhd., Ipoh, Malaysia.

Edisi Bahasa Inggeris
© Eastern Universities Press (M) Sdn. Bhd.

16 JUL 1986
Perpustakaan Negara
Malaysia

KANDUNGAN

<i>Pendahuluan</i>	<i>iv</i>
I. Meningkatkan Ke Tahap Golongan Yang Terkemuka Di Dalam Negara	1
II. Seorang Yang Suka Membangkitkan Pertikaian	14
III. Anwar Memasuki UMNO	38
IV. Anwar Dalam Kerajaan	65
Kata-Kata Sahabat Serta Sahabat Seperjuangan	76
<i>Ucapan-Ucapan Terpilih</i>	
Persidangan Antarabangsa Teknologi Dan Islam	82
Penyelesaian Kepada Masalah Masyarakat Majmuk	86
Intisari Program-Program Berasaskan Islam	91
Konsep Keislaman: Pengalaman Malaysia	94
Kelahiran Semangat Kerohanian Persatuan - Peranan ABIM	102
Khayalan Yang Menambahkan Kehampaan	104
Anak Kunci Kepada Penyibaran Dakwah Islam	107

PENDAHULUAN

Semenjak Anwar Ibrahim memasuki UMNO dan kemudiannya dipilih sebagai ahli Parlimen di bawah tiket Barisan Nasional dan perlantikan beliau sebagai Timbalan Menteri di Jabatan Perdana Menteri, beliau telah menjadi buah mulut dalam golongan masyarakat, politik dan perniagaan bersabit dengan seorang yang baru muncul di pentas politik Malaysia. Pada hari ini Anwar adalah terkenal di khayalak antarabangsa, terutamanya di kalangan penganut agama Islam. Beliau dianggap seorang pemidato yang berkesan serta mempunyai pemikiran yang logik. Waktu berpidato beliau selalu memberikan pendapatnya secara terus-terus dan penuh dengan keyakinan tanpa menaruh sebarang syak sekalipun di kalangan rakan-rakan seperjuangan.

Anwar telah membuktikan dirinya sebagai seorang yang tepat dan teguh pada prinsipnya dan sanggup menentang kerana kebenaran demi menegakkan keadilan dan kejujuran. Pada suatu masa, beliau adalah seorang pengkritik yang berkesan terhadap kerajaan dan telah pada suatu ketika dahulu ditahan beberapa bulan setelah dituduh terlibat dan menyertai tunjuk perasaan penuntut dalam tahun 1974. Hari ini beliau dianggap lebih terkenal sebagai pembangkang utama Pindaan Akta Kemasyarakatan 1981 dan 1982. Sebagai Pengerusi untuk menyelaraskan kumpulan organisasi yang membangkang pindaan tersebut beliau telah dapat menggabungkan kemunculan kumpulan-kumpulan yang mewakili campuran masyarakat Malaysia yang berbilang kaum.

Meningkat Ke Tahap Golongan Yang Terkemuka Di Dalam Negara

Anwar Ibrahim dilahirkan pada 10hb Ogos, 1947 di Cerok To'kun, Bukit Mertajam dari keluarga yang telah lama biasa dengan ketatanegaraan. Bapa Anwar, Haji Ibrahim bin Abdul Rahman, adalah bekas ahli Parlimen dan Setiausaha Parlimen di Kementerian Kesihatan. Rani Ibrahim, salah seorang daripada adik-beradik Anwar, adalah bekas Presiden Majlis Belia Malaysia dan sekarang masih cergas terlibat dalam UMNO Bahagian Mata-Kuching, Province Wellesley.

Anwar mula-mula bersekolah di Sekolah Kebangsaan, Cerok To'kun, dan kemudiannya di Sekolah Stowell. Di sinilah beliau mula-mula sekali mendapat pendidikan ilmu keagamaan dan di sinilah bermulanya tujuan hidupnya belajar mengamalkan prinsip-prinsip Islam untuk penyelesaian masalah-masalah politik negara.

Anwar meneruskan pelajarannya di Kolej Melayu, Kuala Kangsar dari tahun 1960 hingga 1966. Kepada penuntut yang cerdas lagi rajin ini, sifat-sifat kepimpinan seolah-olah kebolehannya yang memang pembawaannya. Beliau memperkenalkan dirinya dengan menyertai pertandingan perbahasan antara sekolah-sekolah dan tidak lama pula telah dilantik Ketua Sekolah. Beliau juga seorang yang luas pembacaannya, iaitu buku-buku yang berkaitan dengan keagamaan dan masyarakat khususnya.

Dalam tahun 1967 beliau telah dapat memasuki Universiti Malaya di mana dia telah mendaftarkan namanya untuk memperolehi ijazah dalam bidang Pengajian Melayu. Sungguhpun beliau adalah penuntut akademik biasa sahaja, tetapi Anwar belajar bersungguh-sungguh serta mengambil bahagian dalam kegiatan-kegiatan luar sekolah dalam hal aktiviti-aktiviti penuntut. Menjelang tahun 1968 beliau menjadi Presiden Kesatuan Bahasa Melayu serta menjadi Presiden Kesatuan Kebangsaan Penuntut Muslim Malaysia.

Dalam tempoh inilah Malaysia berada dalam keadaan genting sekali. Peristiwa 13hb. Mei dalam tahun 1969 menggemparkan negara di mana perkara-perkara pokok sosial telah menjadi perkara